

ABREGE' DV PROCEZ
*pendant au Conseil Privé du Roy, &
 retenu en iceluy, par Arrest contra-
 dictoire du 18. Ianuier 1656.*

ENTRE Messire Iean Philippes de Bertier
 Conseiller du Roy en ses Conseils, Abbé
 de S. Vincent de Senlis, d'vnepart.

*Et les Religieux Prieur & Couuent de l'Abbaye du-
 dit S. Vincent de Senlis, d'autre.*

*Et Messieurs les Agens Generaux du Clergé de
 France, intervenans.*

Toute la contestation qui pend à juger presentement
 se reduict à deux poincts. Le premier est de sçauoir
 en quelle Chambre des Enquestes du Parlement de
 Paris, les differends d'entre lesdites parties doiuent
 estre renuoyez en execution dudit Arrest du Conseil, dudit
 iour 18. Ianuier 1656. par lequel de neuf contestations qui
 estoient entre lesdites parties qu'on dit auoir esté Iugées par
 vne pretenduë Sentence Arbitrallle, l'vn qui regarde les taxes
 mises sur lesdits Religieux par forme de capitation, en conse-
 quence des Contracts passez entre le Roy & le Clergé, a esté
 retenu au Conseil, L'autre qui regarde le recouurement des
 biens allienez de ladite Abbaye, a esté renuoyé au grand Con-
 seil, & les sept restans en vne Chambre des Enquestes dudit
 Parlement de Paris.

Ledit sieur Abbé qui n'affecte point de Chambre particu-
 liere, dict que lesdits sept differends doiuent estre renuoyez en
 la cinquiesme Chambre desdites Enquestes, puis que les deux
 principaux ont esté portez par lesdits Religieux en ladite cin-
 quiesme Chambre, y sont instruits & prests à Iuger, l'vn au
 rapport de monsieur Palluan, dans lequel Fr. Laurens Puleu
 Religieux de ladite Abbaye est partie principale & originaire
 demandeur, qui n'en peut estre tiré sans le consentement dudit
 Puleu, lequel lesdits Religieux deuoint rapporter pour pou-

voir euocquer ledit Procez de ladite Chambre, car autrement ledit Fr. Puleu pourroit s'opposer à l'Arrest qui l'euocqueroit de ladite Chambre sans son consentement.

L'autre y a esté desia interloqué par Arrest contradictoire du 23. Aoust 1652. au rapport de Monsieur Lebreu, & consequemment n'en peut estre tiré, puis que les procez interloquez doibuent estre iugez par les Iuges qui ont rendu les Arrests, Or est-il que l'Arrest Contradictoire du Conseil de l'exécution duquel est question, ayant renuoyé lesdits sept differends en vne Chambre des Enquestes dont les parties conuendront, il les faut par necessité renuoyer en ladite s. Chambre, puis que les deux qui sont cy-dessus cottez n'en peuuent estre legitimement tirez, & que si l'on renuoyoit les autres en vne autre Chambre, ce seroit contreuenir audit Arrest du Conseil qui ne donne pas deux Chambres, mais vne seule.

Lesdits Religieux aduouent franchement qu'ils n'ont point de causes de recufation ny suspicion contre ladite cinquième Chambre, sinon qu'ils croient que ledit Sieur Abbé l'affecte, quoy que cela ne soit pas, & qu'il luy fut indifferend en quelle Chambre il fut renuoyé à l'exception de la premiere, pour les raisons qu'il a desquit au procez verbal de referé, fait en execution dudit Arrest du Conseil, auxquelles il perliste.

L'autre chef de contestation est de sçauoir si lesdits Religieux doiuent obtenir leur recours des taxes qu'ils ont payé par forme de capitation en execution du Contract passé entre le Roy & le Clergé à Mente & autres subsequens, sous pretexte que par la partition des biens de ladite Abbaye, il y a enuiron cent ans, par laquelle les plus beaux & meilleurs Domaines du Temporel de ladite Abbaye leur furent baillez, il est porté que l'Abbé payeroit les decimes ordinaires & extraordinaires & autres charges, comme le pretendent lesdits Religieux: Mais les termes des susdits Contracts passez entre le Roy & ledit Clergé, ont décidé formellement cette question, & preuen les objections desdits Religieux en ces termes, *Que dans*

la presente taxe ceux qui ont des pensions sur des benefices payeront le tiers de leurs pensions en trois années, à déduire sur la taxe de celuy qui possede le benefice, nonobstant les clauses apposees dans leurs Brevets, Signatures & Concor-
Clause du
Contract pas-
sé entre le
Roy & le
Clergé de
France, as-
semblé par
permission de
ront desdites pensions franches & quittes de toutes charges.

Que les Communantez Ecclesiastiques tant
Seculieres que Regulieres, Offices Claustraux,
Dignitez dans les Eglises, & autres payans &
non payans decimes (excepté ceux qui seront
gagez, comme ceux du bas Chœur & Chan-
tres, payeront les taxes qui seront imposées sur
eux, sans pouuoir les recouurer & faire payer
aux Archeuesques, Euesques, Abbez, Prieurs,
Chapitres, Conuents, Curez, Chappelains &
autres Beneficiers, quoy qu'il soit porté par les
Concordats, Transactions & Arrests qu'ils ioui-
ront desdits reuenus francs & quittes de toutes
charges, dautant que c'est vne subuention per-
sonnelle qui est accordée à sa Majesté pour estre
payée par tous ceux qui possèdent quelque bien
d'Eglise, & que les Religieux Pensionnaires des Mona-
stères où la Reforme est establie, payeront en l'acquit desdi-
tes taxes la dixiesme partie de toutes les pensions à eux
deuës par lesdites Communantez, nonobstant toutes Transa-
ctions ou Concordats à ce contraires comme dit est.

Après quoy ledit sieur Abbé espere de la Iustice du Conseil,
que puis que les pensionnaires qui ont resigné leurs benefices
sous pension pour viure, & les Religieux qui n'ont qu'une mo-
dique pension Viagere ne sont point exempts des susdites ta-
xes, lesdits Religieux de Saint Vincent, qui pour le nombre
de treize qu'ils doiuent estre en ladite Abbaye, possèdent pre-
sentement plus de seize mil liures de rente annuelle, ne peu-
uent point pretendre d'estre exempts desdites taxes, & con-
sequemment qu'ils doiuent estre debouttez du recours par
eux pretendu, & condamnez en tous les despens dommages &
intherests dudit sieur Abbé, puis mesme qu'ils sont les seuls
dans le Royaume qui ont pretendu cet injuste recours.

Monsieur BOUCHERAT, Rapporteur.

sa Majesté en
la ville de
Monte, le 14
Aoust 1643.
pardeuant
Noël & Ro-
bert Besan-
con Notaires.

